





Horace

Q. HORATHI FLACCI

de arte Poëtica liber
ad Pisones.

Quo

EXAMEN PUBLICUM

ann. MDCCCXV.

1815

d. xx. Mart. horis consuetis
habendum

indicunt

GYMNASII CASIMIRIANI

Director

et

Reliqui Professores.

Coburgi

ex Officina Ahliana.



87

Artis scribendi Canones sempiternos in Horatii libro, de arte poëtica inscripto, contineri, uno ore omnes fatentur; at aequè clarum est, librum ipsius Autoris praeceptis minime convenire, vel potius, carmen ab Autore nunquam finitum et ad umbilicum perductum esse. Vero simillimum videtur, Horatium versiculos, carminis materiem, opere abrupto congestos, in spem futurae redactionis et limae, singulis mandasse foliis, sed morte praeoccupatum haec, Sibyllae quasi folia, inordinata reliquisse. Quis forsàn Sosius aut scriptor librarius disjecta membra poëtae parum cautus collegerit, nos fugit; ordinem vero rerum, qui nullus omnino est, sicut titulum, non ab autore profectum esse certissimum videtur.

Reliquias has lyricorum principis in ordinem redigere, nemo, quod sciam, hucusque tentavit, at, certe merentur non inconditae jacere. Ordinem, quamvis non genuinum (hunc enim unquam extitisse maxime dubitandum) talem tamen restituere conatus sum, qui Poëtae ipsius menti et praeceptis magis con-

sentire visus est. Lacunae hic inde apparent. Autor ipse si ultimam illi datum fuisset imponere manum, illas sine dubio explevisset. Hoc nostrum non erat. Cum in toto negotio solo nostro iudicio et rerum convenientia ducti simus, facile aliquis hos vel illos alio inseret loco versiculos, vel alio modo consarcinabit Centones; quod cujusque iudicio lubentissime relinquimus, laeti, si totum opus conspectum vulgari concinniorrem praebeat, et lectoris voluptas quantulumcunque augeatur.

Simul, sicut Horatius carmen Pisonibus suis dicavit, sic ego opellam hanc qualemcunque meam

Discipulo dilectissimo,

Juveni Musis vere amico,

F E R D I N A N D O S C H E L E R,

Coburgensi,

Academiam petenti

in

Praeceptoris memoriam

D. D. D.

D. J. C. M. Reinecke.

Q HORATII FLACCI.

DE ARTE POETICA LIBER,

AD PISONES.

Ordinis vulg.

v. 408

Natura fieret laudabile carmen an arte,
Quaesitum est. Ego nec studium sine divite vena,
Nec rude quid prosit video ingenium: alterius sic
Altera poscit opem res, et conjurat amice.
Qui studet optatam cursu contingere metam,
Multa tulit fecitque puer, sudavit et alsit,
Abstinit Venere et vino; qui Pythia cantat
Tibicen didicit prius, extimuitque magistrum;
Nunc satis est dixisse: Ego mira poemata pango.
Occupet extremum scabies! Mihi turpe relinqui est,
Et quod non didici, sane nescire fateri.
Nil intentatum nostri liquere poetae:
Nec minimum meruere decus, vestigia graeca
Ausi deserere, et celebrare domestica facta,
Vel qui Praetextas vel qui docuere Togatas
Nec virtute foret clarisve potentius armis
Quam lingua Latium, si non offenderet unum-

418

285

Quemque poetarum limae labor et mora. Vos o
 Pompilius Sanguis, carmen reprehendite, quod non
 Multa dies et multa litura coercuit, atque
 Perfectum decies non castigavit ad unguem.
 Ingenium misera quia fortunatius arte
 Credit et excludit sanos Helicone poetas
 Democritus, bona pars non ungueis ponere curat
 Non barbam; secreta petit loca, balnea vitat.
 Nanciscetur enim pretium, nomenque poetae,
 Si tribus Anticyris caput insanabile nunquam
 Tonsori Licino commiserit. O ego laevis,
 Qui purgor bilem sub verni temporis oram!
 Non alius faceret meliora poemata! Verum
 Nil tanti est. Ergo fungar vice cotis, acutum
 Reddere quae ferrum valet, exsors ipsa secandi.
 Munus et officium nil scribens ipse docebo:
 Unde parentur opes, quid alat formetque poetam;
 Quid deceat, quid non, quo virtus ferat, quo error.

208

Maxima pars vatum, pater et juvenes patre digni
 Decipimur specie recti. Brevis esse laboro,
 Obscurus fio; sectantem laevia, nervi
 Deficiunt animique, professus grandia turget;
 Serpit humi tutus nimium, timidusque procellae.
 Qui variare cupit rem prodigialiter unam,
 Delphinum sylvis appingit, fluctibus aprum.
 In vitium ducit culpae fuga si caret arte.
 Incoeptis gravibus plerumque et magna professis

24

31

14

Purpureus, late qui splendeat, unus et alter
 Assuitur pannus, cum lucus et ara Dianae,
 Et properantis aquae per amoenos ambitus agros,
 Aut flumen Rhenum, aut pluvius describitur arcus.
 Sed nunc non erat his locus. Et fortasse Cupressum
 Scis simulare. Quid hoc, si fractis enatat expes
 Navibus, aere dato qui pingitur? Amphora coepit
 Institui, currente vota cur urceus exit? 22
 Sunt delicta tamen quibus ignovisse velimus. 347
 Nam neque chorda sonum reddit, quem vult manus et mens,
 Poscentique gravem persaepe remittit acutum;
 Nec semper feriet, quicumque minabitur arcus.
 Verum ubi plura nitent in carmine, non ego paucis
 Offendar maculis, quas aut incuria fudit,
 Aut humana parum cavit natura. Quid ergo?
 Ut scriptor si peccat idem librarius usque
 Quamvis est monitus, venia caret, et Citharoedus
 Ridetur, chorda qui semper oberrat eadem,
 Sic mihi qui multum cessat fit Choerilus ille,
 Quem bis terque bonum cum risu miror, et idem
 Indignor. Quandoque bonus dormitat Homerus;
 Verum opere in longo fas est obrepere somnum. 360

Scribendi recte sapere est et principium et fons. 309
 Rem tibi socraticae poterunt ostendere chartae,
 Verbaque provisam rem non invita sequentur.
 Qui didicit, patriae quid debeat, et quid amicis,
 Quo sit amore parens, quo frater amandus et hospes;

Quod sit conscripti, quod iudicis officium, quae
 Partes in bellum missi ducis, ille profecto
 Reddere personae scit convenientia cuique.
 Respicere exemplar vitae morumque jubebo
 Doctum imitatore et veras hinc ducere voces.
 Interdum speciosa jocis morataque recte
 Fabula nullius Veneris, sine pondere et arte
 Valdius oblectat populum, meliusque moratur
 Quam versus inopes rerum, nugaeque canorae.
 Grajis ingenium, Grajis dedit ore rotundo
 Musa loqui, praeter laudem nullius avaris.
 Romani pueri longis rationibus assem
 Discunt in partes centum diducere. „Dicat
 Filius Albini, si de quincunce remota est
 Uncia, quid superat? -- Poteras dixisse triens! Heu!
 Rem poteris servare tuam! Redit uncia, quid fit?
 Semis.“ -- Ad haec animos acrogo et cura peculi
 Cum semel imbuerit; speramus carmina fingi
 Posse linenda cedro et levi servanda cupresso?

Aut prodesse volunt, aut delectare poetae;
 Aut simul et jucunda et idonea dicere vitae.
 Centuriae Seniorum agitant expertia frugis;
 Celsi praeterunt austera poemata Rhamnes;
 Omne tulit punctum qui miscuit utile dulci,
 Lectorem delectando pariterque monendo.
 Hic meret aera liber Sosiis, hic et mare transit
 Et longum noto scriptori prorogat aevum.

Sylvestreis homines sacer interpresque decrum
 Caedibus et victu foedo deterruit Orpheus,
 Dictus ob hoc lenire tigreis rapidosque leones.
 Dictus et Amphion Thebanæ conditor arcis
 Saxa movere sono testudinis, et prece blanda
 Ducere quo vellet. Fuit hæc sapientia quondam,
 Publica privatis secernere, sacra profanis,
 Concubitu prohibere vago, dare jura maritis,
 Oppida moliri, leges incidere ligno.
 Sic honor et nomen divinis vatibus atque
 Carminibus venit. Post hos insignis Homerus
 Tyrtæusque mares animos in Martia bella
 Versibus exacuit. Dictæ per carmina sortes
 Et vitæ monstrata via est, et gratia Regum
 Pieriis tentata modis, ludusque repertus,
 Et longorum operum finis: ne forte pudori
 Sit tibi Musa lyrae solers et sanctor Apollo.

392

407

Sumite materiam vestris qui scribitis æquam
 Viribus et versate diu, quid ferre recusent,
 Quid valeant humeri. Cui lecta potenter erit res,
 Nec facundia deseret hunc nec lucidus ordo.
 Ordinis hæc virtus erit et Venus, aut ego fallor,
 Ut jam nunc dicat, jam nunc debentia dici,
 Pleraque differat, et præsens in tempus omittat,
 Hoc amet, hoc spernat promissi carminis autor.
 Singula quæque locum teneant sortita decenter.

38

45

92

Quicquid praecipies, esto brevis, ut cito dicta
 Percipiant animi dociles teneantque fideles.
 Omne supervacuum pleno de pectore manat.
 Ficta voluptatis causa sint proxima veris,
 Nec quodcumque volet poscat sibi fabula credi:
 Neu pransae Lamiae vivum puerum extrahat alvo.

335

340

Denique sit quod vis, simplex duntaxat et unum.
 Humano capiti cervicem pictor equinam
 Jungere si velit et varias inducere plumas,
 Undique collatis membris, ut turpiter atrum
 Desinat in piscem mulier formosa superne:
 Spectatum admissi risum teneatis amici!
 Credite Pisones, isti tabulae fore librum
 Persimilem, cujus velut aegri somnia vanae
 Fingentur species, ut nec pes, nec caput uni
 Reddatur formae. „Pictoribus atque poetis
 Quidlibet audendi semper fuit aequa potestas!“
 Scimus, et hanc veniam petimusque damusque vicissim;
 Sed non ut placidis coeant immitia, non ut
 Serpentes ovibus gementur, tigribus agni.

35

1

15

Aemilium circa ludum faber imus et unguis
 Exprimet et molleis imitabitur aere capillos
 Infelix operis Summa quia ponere totum
 Nesciet. Hunc ego me, si quid componere curem,
 Non magis esse velim, quam pravo vivere naso
 Spectandum nigris oculis nigroque capillo.

32

37

Ex noto fictum carmen sequar ut sibi quisvis 240
 Speret idem, sudet multum, frustra que laboret
 Ausus idem. Tantum series juncturaque pollet,
 Tantum de medio sumtis accedit honoris. 243
 Difficile est proprie communia dicere, tuque 248
 Rectius iliacum carmen deducis in actus,
 Quam si proferres ignota indictaque primus.
 Publica materies privati juris erit, si
 Nec circa vilem patulumque moraberis orbem,
 Nec verbum verbo curabis reddere fidus
 Interpres, nec desilies imitator in arctum
 Unde pedem proferre pudor vetet, aut operis lex.
 Nec sic incipies ut scriptor cyclicus olim:
 Fortunam Priami cantabo et nobile Bellum.
 Quid dignum tanto feret hic promissor hiatu?
 Parturient montes, nascetur ridiculus mus.
 Quanto rectius hic, qui nil molitur inepte:
 Dic mihi Musa virum, captae post tempora Trojae
 Qui mores multorum hominum vidit et urbeis.
 Non fumum ex fulgore, sed ex fumo dare lucem
 Cogitat, ut speciosa dehinc miracula promat,
 Antiphaten, Scyllamque et cum Cyclope Charybdin.
 Nec reditum Diomedis ab interitu Meleagri,
 Nec gemino bellum Trojanum orditur ab ovo.
 Semper ad eventum festinat et in medias res
 Non secus ac notas auditorem rapit, et quae
 Desperat tractata nitescere posse relinquit.
 Atque ita mentitur sic veris falsa remiscet,
 Primo ne medium, medio ne discrepet imum.

Musa dedit fidibus Divos puerosque Deorum	85
Et pugilem victorem et equum certamine primum	
Et juvenum curas et libera vina referre.	85
Res gestae regumque ducumque et tristia bella	75
Quo scribi possent numero monstravit Homerus.	
Versibus impariter junctis querimonia primum	
Post etiam inclusa est voti Sententia compos.	
Quis tamen exiguos elegos emisit auctor.	
Grammatici certant et adhuc sub iudice lis est.	
Archilochum proprio rabies armavit Jambo.	
Hunc socci cepere pedem, grandesque cothurni,	
Alternis aptum sermonibus, et populareis	
Vincentem strepitus, et natum rebus agendis.	82
Syllaba longa brevi subjecta vocatur iambus,	251
Pes citus: unde etiam trimetris accrescere jussit	
Nomen iambeis, cum senos redderet ictus,	
Primus ad extremum similis sibi. Non ita pridem	
Tardior ut paulo graviorque veniret ad aureis	
Spondeos stabiles in jura paterna recepit	
Commodus et patiens; non ut de Sede secunda	
Cederet aut quarta socialiter. Hic et in Acci	
Nobilibus trimetris apparet rarus, et Enni	
In scenam missos magno cum pondere versus	
Aut operae celeris nimium, curaque carentis	
Aut ignoratae premit artis crimine turpi.	
Non quivis videt immodulata poemata iudex,	
Et data Romanis venia est indigna poetis.	
Idcircone vager scribamque licenter? Non omnes	

Visuros peccata putem mea tutus, et intra
 Spem veniae cautus? Vítavi denique culpam
 Non laudem merui. Vos exemplaria graeca
 Nocturna versate manu, versate diurna.
 At nostri proavi Plautinos et numeros et
 Lāudavere sales; nimium patienter utrumque
 Ne dicam stulte mirati, si modo ego et vos
 Scimus inurbanum lepido seponere dicto,
 Legitimumque sonum digitis callemus et aure

274

In verbis etiam tenuis cautusque serēdis,
 Dixeri egrege, notum si callida verbum
 Reddiderit junctura novum. Si forte necesse est
 Indiciis monstrare recentibus abdita rerum,
 Fingere cinctutis non exaudita Cethegis
 Continget, dabiturque licentia sumpta pudenter.
 Et nova fictaque nuper habebunt verba fidem, si
 Graeco fonte cadant, parce detorta. Quid autem
 Caecilio Plautoque dabit Romanus ademptum
 Vergilio Varioque? Cur ego, acquirere pauca
 Si possum, invideor, cum lingua Catonis et Enni
 Sermonem patrium ditaverit, et nova rerum
 Nomina protulerit? Licuit, semperque licebit,
 Signatum praesente nota producere nomen.
 Ut sylvae foliis pronos mutantur in annos,
 Prima cadunt, ita verborum vetus interit aetas,
 Et juvenum ritu florent modo nata, vigentque.
 Debemur mortí, nos, nostraque! Sive receptus

46

Terra Neptunus classeis aquilonibus arcet,
 Regis opus, sterilisve diu palus, aptaque remis
 Vicinas urbeis alit, et grave sentit aratrum,
 Seu cursum mutavit iniquum frugibus amnis,
 Doctus iter melius; -- mortalia facta peribunt!
 Nedum sermonum stet honos et gratia vivax!
 Multa renascentur quae jam ceciderunt, cadentque
 Quae nunc sunt in honore vocabula, si volet usus,
 Quem penes arbitrium est, et vis et norma loquendi. 72

Non satis est pulcra esse poemata; dulcia sunt, 99
 Et quocunque volent, animum auditoris agunt.
 Telephus et Peleus, cur pauper et exul uterque
 Projicit ampullas et sesquipedalia verba,
 Si curat cor spectantis teligisse querela?
 Ut ridentibus arident, ita flentibus adsunt *adflunt*
 Humani vultus. Si vis me flere, dolendum est
 Primum ipse tibi: tunc tua me infortunia laedent
 Telephe vel Peleu. Male si mandata loqueris
 Aut dormitabo aut ridebo. Tristia moestum
 Vultum verba decent; iratum plena minarum,
 Ludentem lasciva, severum seria dictu.
 Format enim natura prius nos intus ad omnem
 Fortunarum habitum, juvat aut impellit ad iram,
 Aut ad humum moerere gravi deducit et angit,
 Post effert animi motus interprete lingua.
 Si dicentis erunt fortunis absona dicta,
 Romani tollent equites peditesque cachinum. 113

Descriptas servare vices operumque colores 86
 Cur ego si nequeo ignoroque poeta salutor?
 Cur nescire pudens prave quam discere malo?
 Versibus exponi tragicis res comica non vult;
 Indignatur item privatis ac prope socco
 Dignis carminibus narrari caena Thyestae. 91

Tu, quid ego et populus mecum desideret, audi. 153
 Si plausoris eges aulaea manentis et usque
 Sessuri donec cantor, vos plaudite! dicat,
 Aetatis ejusque notandi sunt tibi mores,
 Mobilibusque decor naturis dandus et annis.
 Reddere qui voces jam scit puer, et pede certo
 Signat humum, gestit paribus colludere et iram
 Colligit ac ponit temere et mutatur in horas.
 Imberbis juvenis tandem custode remoto,
 Gaudet equis canibusque et aprici gramine campi;
 Cereus in vitium flecti, monitoribus asper,
 Utilium tardus provisor, prodigus aeris,
 Sublimis, cupidusque et amata relinquere pernix.
 Conversis studiis aetas animusque virilis
 Quaerit opes et amicitias, inservit honori.
 Commisisse cavet, quod mox mutare laboret.
 Multa senem circumveniunt incommoda, vel quod
 Quaerit et inventis miser abstinet, ac timet uti,
 Vel quod res omnes timide gelideque ministrat;
 Dilator, spe longus, iners, avidusque futuri,
 Difficilis, querulus, laudator temporis acti

Se puero, censor castigatorque minorum.
 Multa ferunt anni venientes commoda secum.
 Multa recedentes adimunt. Ne forte seniles
 Mandentur juveni partes, pueroque viriles.
 Semper in adjunctis aevoque morabimur aptis. 278
 Intererit multum Dayusne loquatur an heros, 214
 Maturusne senex an adhuc florente juventa
 Fervidus; an matrona potens, an sedula nutrix;
 Mercatorne vagus, cultorne virentis agelli;
 Colehus an Assyrius, Thebis nutritus an Argis.
 Aut famam sequere aut sibi convenientia finge
 Scriptor. Honoratum si forte reponis Achillem:
 Impiger, iracundus, inexorabilis, acer
 Jura neget sibi nata: nihil non arroget armis.
 Sit Medea ferox invictaque, flebilis Ino,
 Perfidus Ixion, Jo vaga, tristis Orestes,
 Si quid inexpertum Scenae committis et audes
 Personam formare novam, servetur ad imum
 Qualis ab incoepto processerit ac sibi constet. 227

Aut agitur res in Scenis aut acta refertur. 279
 Segnius irritant animos demissa per aurem
 Quam quae sunt oculis subjecta fidelibus, et quae
 Ipse sibi tradit spectator. Non tamen intus
 Digna geri promes in Scenam, multaque tolles
 Ex oculis quae mox narret facundia raesens.
 Nec pueros coram populo Medea trucidet,
 Aut humana palam coquat exta nefarius Atrous,

Aut in avem Progne vertatur, Cadmus in anguem.
 Quodcunque ostendis mihi sic incredulus odi. 188
 Neve minor quinto, neu sit productior actu
 Fabula, quae posci vult et spectata reponi;
 Nec Deus intersit nisi dignus vindice nodus
 Inciderit; nec quarta loqui persona laboret. 190
 Effutire leveis indigna tragoedia versus 231
 Ut festis matrona moveri jussa diebus
 Intererit satyris paulum pudibunda protervis. 235

Ignotum Tragicæ genus invenisse Camenæ 275
 Dicitur, et plaustis vexisse poemata Thespis,
 Quæ canerent agerentque peruncti faecibus ora.
 Post hunc personæ pallæque repertor honestæ
 Aeschylus et modicis instravit pulpita tignis,
 Et docuit magnamque loqui nitique cothurno.
 Successit vetus hæc comoedia non sine multa
 Laude: sed in vitium libertas excidit et vim
 Dignam lege regi. Lex est accepta, chorusque
 Turpiter obticuit, sublato jure nocendi. 284

Autoris partes chorus officiumque virile 193
 Defendat; neu quid medios intercinat actus,
 Quod non proposito conducat, et hæreat apte.
 Ille bonis faveatque et consilietur amice,
 Et regat iratos et amet peccare timentis.
 Ille dapes laudet mensæ brevis, ille salubrem

Justitiam, legesque et apertis otia portis.
 Ille tegat commissa, Deosque precetur et oret,
 Ut redeat miseris, abeat fortuna superbis.
 Tibia, non ut nunc orichalco vincta, tubaeque
 Aemula, sed tenuis simplexque, foramine paucos
 Aspirare et adesse choris erat utilis, atque
 Nondum spissa nimis complere sedilia flatu,
 Quo sane pópulus numerabilis, utpote parvus,
 Et frugi, castusque verecundusque coibat.
 Postquam coepit agros extendere victor, et urbem
 Latior amplecti murus, vinoque diurno
 Placari genius festis impune diebus,
 Accessit numerisque modisque licentia major,
 Indoctus quid enim saperet, liberque laborum
 Rusticus urbano confusus, turpis honesto?
 Sic priscae motumque et luxuriam addidit arti
 Tibicen, traxitque vagus per pulpita vestem.
 Sic etiam fidibus voces erevere severis,
 Ettulit eloquium insolitum facundia praeceps,
 Utiliumque sagax rerum et divina futuri
 Sortilegis non discrepuit sententia Delphis.

219

Carmine qui tragico vilem certavit ob hircum,
 Mox etiam agresteis Satyros nudavit, et asper
 Incolumi gravitate, jocosum tentavit; eo quod
 Illecebris erat et grata novitate morandus
 Spectator, functusque sacris, et potus et exlex.
 Verum ita risores, ita commendare dicaces

220

Conveniet satyros, ita vertere seria ludo,
 Ne, quicumque Deus, quicumque adhibebitur heros,
 Regali conspectus in auro nuper et ostro,
 Migret in obscuras humili sermone tabernas;
 Aut, dura vitat humum nubeis et inania captet. 230
 Non ego inornata et dominantia nomina solum 234
 Verbaque, Pisones, satyrorum scriptor amabo;
 Nec sic eniter tragico differre colori,
 Ut nihil intersit, Davusne loquator, an audax
 Pythias, emuncto lucrata Simone talentum,
 An custos famulusque dei Silenus alumni. 239
 Silvis deducti caveant, me iudice, Fauni, 244
 Ne velut innati triviis, ac paenè forenses,
 Aut nimium teneris juvenentur versibus unquam,
 Aut immunda crepent ignominiosaque dicta.
 Offenduntur enim quibus est equus et pater et res,
 Nec, si quid fracti ciceris probat et nucis emptor,
 Aequis accipiunt animis, donantve corona. 250

O major juvenum quamvis, et voce paterna. 366
 Fingeris ad rectum, et per te sapis, hoc tibi dictum
 Tolle memor: Certis medium et tolerabile rebus
 Recte concedi: Consultus juris et actor
 Causarum mediocris abest virtute deserti
 Messalae, nec scit quantum Casselius Aulus,
 Sed tamen in pretio est. Mediocribus esse poetis,
 Non homines, non Di, non concessere columnae.
 Ut gratas inter Mensas symphonia discors,

Et crassum unguentum, et sardo cum melle papaver
 Offendunt; poterat duci quia coena sine istis;
 Sic animis natum inventumque poema juvandis,
 Si paulum summo discessit, vergit ad imum.
 Ludere qui nescit, abstinet campestribus armis,
 Indoctusque pilae, discive, trochive quiescit,
 Ne spissae risum tollant impune coronas.
 Qui nescit, versus tamen audet fingere. Quid ni?
 Liber et ingenuus, praesertim census equestris
 Summam nummorum, vitioque remotus ab omni:
 Tu nihil invita dices faciesque Minerva.
 Id tibi iudicium est, ea mens; si quid tamen olim
 Scripseris, in Metii descendat iudicis aureis
 Et patris, et nostras, nonumque prematur in annum.
 Membranis intus positis, delere licebit
 Quod non edideris. Nescit vox missa reverti. 396

Ut praeco ad merces turbam qui cogit emendos, 419
 Assentatores jubet ad lucrum ire poeta
 Dives agris, dives positis in foenore nummis.
 Si vero est, unctum qui recte ponere possit
 Et spondere levi pro paupere, et eripere atris
 Litibus implicitum, mirabor, si sciet inter-
 Noscere mendacem verumque beatus amicum.
 Tu seu donaris, seu quid donare voles cui,
 Nolito ad versus, tibi factos, ducere plenum
 Laetitiae. Clamabit enim pulcre! bene! recte!
 Pallescet super his, etiam stillabit amicis

Ex oculis rorem, saliet, tundet pede terram.
 Ut, qui conducti plorant in funere, dicunt
 Et faciunt prope plura dolentibus ex animo, sic
 Derisor vero plus laudatore movetur.
 Reges dicuntur multis urgere culullis
 Et torquere mero quem perspexisse laborent,
 An sit amicitia dignus. Si carmina condas,
 Nunquam te fallant amici sub vulpe latentes.
 Quintiliô si quid recitares, corrige sodas
 Hoc, ajebat, et hoc. Melius te posse negares,
 Bis terque expertum frustra, delere jubebat,
 Et male tornatos incudi reddere versus.
 Si defendere delictum quam vertere malles,
 Nullum ultra verbum aut operam sumebat inanem,
 Quin sine rivali teque et tua sola amares.
 Vir bonus et prudens versus reprehendet inertois,
 Culpabit duros, incomitis allinet atrum
 Transverso calamo signum, ambitiosa recidet
 Ornamenta, parum claris lucem dare coget,
 Arguet ambigue dictum, mutanda notabit,
 Fiet Aristarchus, nec dicet: cur ego amicum
 Offendam in nugis? Hae nugae seria ducent
 In mala, derisum semel, exceptumque sinistre.

Ut mala quem Scabies aut morbus regius urget,
 Aut phanaticus error et iracunda Diana,
 Vesanum tetigisse timent, fugiuntque poetam,
 Qui sapiunt. Agitant pueri, incautique sequuntur.

Hic dum sublimeis ructatur versus, et errat,
 Si veluti inerulis intentus decidit auceps
 In puteum foveamque, licet, succurrite! longum
 Clamet, Io Cives! non sit qui tollere curet,
 Si quis curet opem ferre et demittere funem;
 Qui scis an prudens huc se dejecerit, atque
 Servari nolit? dicam, Siculique poetae
 Narrabo interitum; Deus immortalis haberi
 Dum cupit Empedocles, ardentem frigidus Aetnam
 Insiluit. Sit jus, liceatque perire poëtis!
 Invitum qui servat, idem facit occidenti.
 Nec semel hoc fecit, nec, si retractus erit, jam
 Fict homo et ponet famosae mortis amorem.
 Nec satis apparet cur versus factitet. Utrum
 Minxerit in patrios cineres, an triste bidental
 Moverit incestus: certe furit, ac velut ursus
 Objectos caveae valuit si frangere clathros,
 Indoctum doctumque fugat recitator acerbus.
 Quem vero arripuit, tenet, occiditque legendo,
 Non missura cutem nisi plena cruoris hirudo.

Dum haec sub prelo sunt, Vir doctiss. et in Litteratura apprimè
 versatus, Orloff, sequentes notitias nobiscum benigne communicavit:

Horatii artem poëticam ordine non vulgari edidit Franc. de Casca-
 les de Murzia. Madrid (?) 1779; sicut et Bertola, Sienae 1782.

Conferendi sunt praeterea:

Eichstaedt. Censur. nov. observ. in Horat. Epist. ad Pisones. I. II. 1810. 1811. — Hieronymi de Bosch curae secundae in Horat. epist. ad Pison. Jen. 1812. — Horazens Dichtkunst, in neuentdeckter Ordnung; das vollkommenste Lehrgedicht des Alterthums. Lateinisch nach einer 800jährigen Handschrift (?) etc. Wien 1797.

Quod nobis non licuit, editiones illas nostro tentamine conferre,
et meliora eligere, illis quibus opportunitas data est, commendamus,





